



MAMPIANARA ANAY HIVAVAKA

Lesona 2 hatao ny 13 Janoary, 2024






"Ary Jesosy nivavaka tao amin'ny fitoerana iray, ka rehefa
nitsahatra Izy, dia hoy ny mpianany anankiray taminy:
"Tompoko, mampianara anay hivavaka, tahaka ny nampianaran'i
Jaona ny mpianany"" (Lioka 11:1)

Nanome bokim-bavaka ho an'ny Isiraely Andriamanitra: ny Salamo.

Maneho ny fihetseham-po lalina indrindra niresahan'ny mpanoratra
azy tamin'ilay Mpanjaka sy Tompon'ny fiainany izany.

Tsy isalasalana fa ho hitantsika ao anatin'ireo fihetseham-po ireo ny
taratry ny fihetseham-pontsika manokana.

Raha malahelo ianao dia vakio ny Salamo. Raha ory ianao, dia vakio
ny Salamo. Raha tonga ny fisalasalana dia vakio ny Salamo. Raha
mila famelan-keloka ianao dia vakio ny Salamo. Raha feno
fankasitrahana ny fonao, dia vakio ny Salamo. Raha nahita fotoana
mahasambatra ianao, dia vakio ny Salamo.



Mivavaha amin'ny fampiasana ny Salamo (Jakoba 5:13).



Mivavaha amin'ny fotoan-tsarotra (Salamo 44).




Mivavaha amin'ny fotoan'ny fahakiviana (Salamo 22).



Mivavaha rehefa ao anatin'ny fisalasalana sy ny fanantenana
(Salamo 13).



Mivavaha ho amin'ny famerenana amin'ny laoniny (Salamo 60).



MIVAVAH AMIN'NY FAMPIASANA NY SALAMO

"Misy azom-pahoriana va eo aminareo? Aoka izy hivavaka. Misy faly va? Aoka izy hihira fiderana"
(Jakoba 5:13)

Mora ny mampiasa ny Salamo ho hira fiderana (1Tant. 16:9); fa tsy izay ihany no fampiasana azy.

Ny Salamo tsirairay dia vavaka atao amin'Andriamanitra izay tokony hampiasaina araka ny filan'ny toe-javatra: fitarainana; fisiorana; fangatahana famelan-keloka; fikatsahana tari-dalana avy amin'Andriamanitra; fahatsiarovana ny tantara; fiderana; fanehoana hatezerana...

Ahoana no fampiasana ny Salamo ho vavaka?

Vakio ny
Salamo
ary
mivavaha

Diniho ny
fomba
firesak'ilà
y mpanao
amin'And
riamanitr
a

Fantaro
ny
anton'ny
vavaka
ataony



Ampitahao
amin'ny
fanandram
an'ilay
mpanao
salamo ny
toe-javatra
iainanao

Eritrereto ny
fomba
hanampian'ny
salamo anao
hilaza ny
fihetseham-
ponao
amin'Andriam
anitra

Raha misy
zavatra
manelingel
ina anao
ao
amin'ilay
salamo,
dia diniho
izany

Ampifand
raiso
amin'i
Jesosy sy
ny asam-
pamonje
ny ny
salamo

Angataho
Andriama
nitra
hametrak
a ny
Teniny ao
am-
ponao sy
ao an-
tsaina



MIVAVAH AMIN'NY FOTOAN-TSAROTRA

"Fa noho ny aminao no amonoana anay mandrakariva; toy ny ondry hovonoina no fijery anay" (Salamo 44:22)


Mahatsapa ve ianao fa tsy ara-drariny ny fitondran'Andriamanitra anao rehefa mamela anao hiatrika toe-javatra sarotra izay tsy mendrika anao ianao?

Mety ho eny, mety ho tsia. Kanefa, raha izany tokoa, moa ve ianao haneho izany anaty vavaka, miaraka amin'ny besinimaro na manokana?


Tsy nisalasala ny mpanao salamo nanao izany. Norobaina sy natao sesitany ary novonoina ny vahoakan'Isiraely. Nefa tsy nanao na inona na inona hahatonga izany izy ireo! Tsy niodina tamin'Andriamanitra izy ireo na nanota taminy (Sal. 44:9-19).

Toy ny mpanao salamo, dia tokony ho sahy haneho ny fihetseham-pontsika sy ny fahatsapantsika amin'Andriamanitra ao anatin'ny vavaka isika. Aoka ny zava-misy izay iainantsika no asehotsika. Aoka ho ekentsika fa afaka manafaka antsika amin'ny toe-javatra sarotra indrindra Izy (Sal. 44:1-8), na dia tsy takatsika aza ny antony tsy anaovany izany izao ankehitriny izao.

Ambonin'ny zava-drehetra, aoka isika tsy hisalasala fa na dia ao anatin'ny olana sy fahasahiranana aza dia be fitiavana sy be famindram-po Andriamanitra (Sal. 44:26).



MIVAVAH AMIN'NY FOTOAN'NY FAHAKIVIANA




"Aza manalavitra ahy Hianao, fa akaiky ny fahoriana, sady tsy misy mpamony" (Salamo 22:11)

Alao sary an-tsaina Jesosy nanonona ny Salamo 22:1 raha nivavaka, rehefa nihantona teo amin'ny hazo fijaliana ny tenany (Sal. 22:14); ny tanany sy ny tongony voafantsika (Sal. 22:16); vahoaka mampatahotra no nanodidina Azy (Sal. 22:7-8); hijery ny miaramila nizara ny fitafiany (Sal. 22:18); na getaheta, niandry ny fotoana hahafatesany (Sal. 22:15); ... kivy.

Mety tsy eo am-pialan'aina toa an'i Jesosy ny toerana misy anao, nefo azo antoka fa efa nahatsapa hakiviana tahaka izany ianao.

Amin'ny fotoana toy itony, dia mampianatra antsika hivavaka ny Salamo, hijery ankoatra ny toe-javatra iainantsika ankehitriny, ary hahita amin'ny alalan'ny finoana famerenana amin'ny laoniny ny fiainantsika. Jereo amin'ny finoana ny fotoana hiverenantsika hidera an'Andriamanitra amin'ny fifaliana sy ny firavoravoana (Sal. 22:25-26).

Amin'ny fotoan'ny fahakiviana, dia azontsika antoka fa mihaino antsika Andriamanitra. Mihevitra ny amin'ny fahoriantsika Izy ary mahita antsika, na dia tsy mahita Azy aza isika (Sal. 22:24).



MIVAVAHA REHEFA AO ANATIN'NY FISALASALANA SY NY FANANTENANA

"Jehovah ô, mandra-pahoviana no mbola hanadinoanao ahy ihany? Mandra-pahoviana no mbola hanafenanao ny tavanao amiko?" (Salamo 13:1)



Nanadino ahy ve Andriamanitra? Indraindray, ny fiheverantsika dia eny. Maneho izany mazava tsara ny mpanao salamo. Kanefa, nihoatra ny fisalasalana izy, ary maneho antsika ny fanantenany.



Salamo 13:1-2

Niteny mafy
an'Andriamanitra izy noho
ny tsy firaharahany azy:
"Mandra-pahoviana?"



Salamo 13:3-4

Nasainy namaly Izy mba tsy
hifalian'ny fahavalony.



Salamo 13:5

Maneho ny fahatokiany
tanteraka
amin'Andriamanitra izy, sy
mitoky amin'ny famonjeny.



Salamo 13:6

Farany, mipololotra hira
fiderana izy.



Rehefa misalasala isika, dia tsy maintsy mangataka ny Fanahy mba "ampahazava ny masotsika", izany hoe hanampy antsika hanala ny fisalasalantsika (Sal. 13:3).

Asehon'io salamo io amintsika fa ara-dalàna koa ny mangataka an'Andriamanitra hanao zavatra amin'ny alalan'ny vavaka. Aoka ho azontsika antoka fa ho antsika koa ireo teny fikasana ao amin'ny Salamo.

MIVAVAHAGA HO AMIN'NY FAMERENANA AMIN'NY LAONINY

"Mba hahafahan'ny malalanao, dia vonjeo amin'ny tananao ankavanana aho, ka valio" (Salamo 60:5)



Ny salamo fitarainana - toy ny 60 - dia vavaka atao amin'ny fotoam-pahoriana ara-batana, ara-tsaina na ara-panahy (na izy telo).

Manampy antsika hihevitra kokoa fa ao anatin'ny fiainan'ny marina sy ny ratsy fanahy ny fahoriana.

Manampy antsika hahatakatra fa Andriamanitra no mifehy, ary Izy no hanafaka antsika amin'ny fotoana mety (Sal. 60:5).

Ny fahorantsika dia manampy antsika hangoraka ireo izay mijaly, toy ny mpanao salamo izay, raha nahita an'izao tontolo izao nihozongozona, dia nitalaho tamin'Andriamanitra: "amboary izay rava aminy, fa mihozongozona izy." (Sal. 60:2).

Mihoatra ny zava-drehetra, ity salamo ity dia mampianatra antsika:

Hatoky tanteraka an'Andriamanitra (Sal. 60:11)

Hanandratra Azy eo anatrehan'izao tontolo izao (Sal. 60:4)

Mba ho fitaovana eo am-pelatanany: "Andriamanitra no haherezantsika" (Sal. 60:12)



“Hanarona ny fanahy indraindray ny haizina sy ny famoizam-po, ary mandrahona ny handifotra antsika; fa tsy tokony hanary toky isika. Tokony hihazona ny fijerintsika eo amin’i Kristy isika, na misy fihetseham-po na tsy misy. Hitady izay hanaovana amim-pahatokiana ny andraikitra tsirairay fantatra isika, dia hitoetra milamina ao amin’ny teny fikasan’Andriamanitra. [...]”

Tsy hahatsapa ny fiadanana sy ny fifaliana tsapa omaly isika anio. Fa amin’ny finoana no tokony hihazonantsika ny tanan’i Kristy, ary hatoky Azy na ao amin’ny haizina toy ny ao amin’ny mazava.”